



SAMOSTALNI SINDIKAT DRŽAVNIH SLUŽBENIKA I
ZAPOSLENIKA U INSTITUCIJAMA BOSNE I HERCEGOVINE

Broj: 03-50-41/21

Sarajevo, 28.06.2021. godine

BOSNA I HERCEGOVINA

PREDSJEDNIŠTVO BOSNE I HERCEGOVINE

N/r gosp. Milorad Dodik, predsjedavajući Predsjedništva BiH

N/r gosp. Željko Komšić, član Predsjedništva BiH

N/r gosp. Šefik Džaferović, član Predsjedništva BiH

PREDMET: PROTESTNO PIMO

VEZA : Budžet za 2021. godinu

Poštovani predsjedavajući Predsjedništva i članovi Predsjedništva Bosne i Hercegovine,

mediji su objavili vijest da je Predsjedništvo Bosne i Hercegovine usvojilo budžet za 2021. godinu i uputilo ga u dalju proceduru, uz zaključak da se pokrene procedura povećanja najniže plate za policijske službenike i vojnike.

Poznata vam je činjenica da će budžet vrlo brzo biti usvojen u Parlamentarnoj skupštini Bosne i Hercegovine sa ponižavajućom i uvredljivom osnovicom za obračun plate od 475,69, što je kontinuitet od 10 godina omalovažavanja rada i dostojanstva svih zaposlenih u državnim institucijama Bosne i Hercegovine.

Poznata vam je činjenica da zaposleni u državnim institucijama na nižim nivoima vlasti, (entitetskim i kantonalnim) imaju 20 do 30% veće plate za isti posao koji obavljaju u odnosu na zaposlene u institucijama na državnom nivou.

Takođe Vam je poznata činjenica da vaš zaključak kojim zadužujete Vijeće ministara Bosne i Hercegovine da pokrene procedure i obavi sve neophodne radnje, a u vezi sa povećanjem najnižih plata za policijske službenike i vojnike, nije moguće realizovati u okviru zakonom predviđenih procedura do kraja 2021. godine, jer se moraju usvojiti izmjene i dopune Zakona o platama i naknadama u institucijama Bosne i Hercegovine.

Iz vašeg zaključka proizilazi činjenica, bez obzira što je zaključak teško realizovati, vi raspolazete informacijama da u državnim institucijama postoje zaposleni koji rade u policijskim organima i vojsci.

Poražavajuća je činjenica da ne znate da državne institucije čine i državni službenici i zaposlenici koji časno i pošteno obavljaju svoj posao.

Vaša politika omalovažavanja i urušavanja državnih institucija je dovela do situacije da zaposleni sa svojim ličnim primanjima, **već duže vrijeme, nisu u mogućnosti prehraniti svoje porodice.**

Samohrana majka, higijeničarka, prima **osnovnu platu u iznosu od 475 KM.** Ona nije u mogućnosti prehraniti svoje dijete, **dok ministar kome čisti kancelariju prima platu u iznosu 10 plata higijeničarke,** i plus ostale beneficije. **Sramota!**

Vozač vaših ministara, prima osnovnu platu u iznosu od 760 KM, dok ministar kome je on na usluzi svaki dan u mjesecu, prima 6 plata vozača plus ostale beneficije. **Sramota!**

Svojom kontinuiranom politikom ste doveli zaposlene sa najnižom platom u institucijama na državnom nivou da im je uskraćeno pravo na život. Imaju pravo na rad, zaposleni su, ali od plate ne mogu da prežive. Pokušajte da zamislite kako majka sa djetetom živi sa 475 KM mjesečno.

Zbog nepotpisivanja Kolektivnog ugovora doveli ste zaposlene u institucijama na državnom nivou u veoma nesigurnu pravnu poziciju, gdje nisu u mogućnosti zaštititi svoja ljudska prava. Zaposleni žive i rade u stalnom strahu jer nemaju pravni osnov zaštite.

Protestujemo protiv vaše kontinuirane destruktivne i omalavažavajuće politike prema državnim službenicima i zaposlenicima u institucijama Bosne i Hercegovine, koja traje punih 10 godina.

Protestujemo protiv vaših kontinuiranih ugrožavanja egzistencijalnih ljudskih prava i dostojanstva državnih službenika i zaposlenika u institucijama Bosne i Hercegovine.

Na kraju, napominjemo da ovakav omalovažavajući položaj nećemo više trpiti!

S poštovanjem,

**Samostalni sindikat državnih službenika i zaposlenika u institucijama
Bosne i Hercegovine**

Salih Karčić, predsjednik

